

此二章俗本皆作一首題作金丹內外火候總論心竊非之
後得汪仙藏本不覺爽然

上天梯

大元飄遠客拂拂髯如戟一曲上天梯可當飛空錫回思訪道
初不轉心如石棄官游海嶽辛苦尋丹秘辭我亡親墓鄉山留
不得別我中年婦出門天始白捨我巾角兒掉頭離火宅人所
難畢者行人已做畢人所難割者行人皆能割欲證長生果沖
舉乘仙鶴後天培養堅兩足邁于役悠悠催我心流年駒過隙
翹首終南山對天三嘆息天降火龍師玄音參一一知我內丹
成不講築基業賜我外丹功可憐諄告切煉已忘世情採藥接
時節先天無筋兩火候無爻策只將老嫩分但把文武別純以
道藏輯要 三丰全集 玄要篇上 二 續畢集八
真意求刀圭難縷晰十月抱元胎九年加面壁換鼎復生孫騎
龍起霹靂天地壤有時仙翁壽無極

親口訣

聖師親口訣名方萬古遺傳與世間人能有幾人知衣破用布
補樹衰以土培人損將何補陰陽造化機取將坎中丹金花露
一枝慶雲開天際祥光塞死基歸已昏昏默如醉亦如癡大丹
如黍米脫殼鎮無為優游天地廓萬象掌中珠人能服此藥壽
與天地齊如若不延壽吾言皆是非

答永樂皇帝

天機不肯輕輕洩猶恐當今欠猛烈千磨萬難費辛勤吾今傳

沈雄頓挫
作古歌行
讀月

與天地脈皇帝尋我問金丹祖師留下長生訣長生之訣訣何
如道充德盛卽長圖節慾澄心澹神慮神仙那有異功夫

此下又有五言一首金丹重一筋閉目靜存神只在家中取
何勞向外尋煉成離女汞吞盡坎男精金丹並火候口口是
元音係呂祖所作蓋當
時書以答永樂皇帝者

道情歌

道情非是等閒情既識天機不可輕先把世情齊放下次將道
理細研精末煉還丹先煉性未修大藥且修心心修自然丹信
至性清自然藥材生藥材生緊加功雷聲隱隱震虛空雷光灼
處尋真種風信來時覓本宗霞光萬道籠金鼎紫雲千丈罩天
門若還到此休驚怕穩把元神守洞門如猫捕鼠兔逢鷹急急

道藏輯要

三丰全集

玄要篇上

三

續畢集八
×××

着力又加勤萬般景象皆非類一顆紅光是至真此箇紅光是
春意其中有若明窗塵中懸一點先天藥遠似葡萄近似金到
此全憑要謹慎絲毫念起喪天真待他一點白歸伏身中化作
四時春一片白雲香一陣一番雨過一番新終日綿綿如醉漢
悠悠只等洞中春遍體陰精都剝盡化作純陽一塊金此時氣
絕如小死打成一片是全真到此功成纔了當卻來塵世積功
勛行滿功成天命詔陽神出現了真靈此言休向非人說不逢
達者莫輕論其中切切通玄理此真之外更無真收拾行囊牢
封固他日成功可印心可印心五十二句要君尋若有虛言遭
天譴說與非人鞭喪身